

銘林

地理

集選

漢書門			
二〇	三三	三八	八〇
冊	架	函	號

內閣文庫			
三三	三八	二〇	漢
函	冊	號	書

番分書冊

內閣文庫		
番號	漢	8068
冊數	20	( 3 )
函號	367	132

六之七



綴じ部(喉部分)の文字等が開きが不鮮明な場所あり



城關道路雜

西曆一千九百零九年

同月廿八日

二月廿四日

八日

銘林六

地理銘

表海

四百五十五

六終



上言

# 銘林卷之六

地理

城關

三十一日


五十一日

四十一日 函谷關銘

函谷險要襟帶喉咽尹從李老留作二篇孟嘗離  
 秦奔鶩東征夜造稽疑譎以鷄鳴范睢將入自盛  
 以囊元鼎革移錯之新安舍彼西阻東即高原長  
 壙重關開固不踰簡易易後與乾合符

淺壽无文庫

古詩類苑





上言武宗目

虎牢關銘 并序

唐 賈至

天地定位，山川據其極。王侯設險，虎牢擁其要。振之以五嶽，維嵩率焉。迫之以四瀆，洪河突焉。且其咽喉九州，闔域中夏。贊經綸之攻拒，却撓槍之凌暴。若乃金火代變，山河分裂。脇徑力爭，義散約解。時則漢祖守之，以臨山東。坐清三齊，疆楚躡躡而不進。及夫隋氏失馭，中原版蕩。封蕩荐食，龍戰玄黃。時則太宗據之以拒河朔，克擒醜夏。偽鄭祖縛而請命於戲，自周室微弱，虎



Vertical columns of faint text on the right page, likely bleed-through from the reverse side.



狼奔吞盛衰千祀正閏更王而改和民安一統  
長久漢氏昭於前載我唐光於茲日其創業之  
王戡定功業咸在斯地意者天開險固為霸王  
之噐乎聖作功業知實真之意乎不然何玄期  
時事影響之若此也又聞諸鄭志曰制巖邑也  
貌叔死焉而唐漢紹興得非山靈河神正直是  
輔乃知不獨特險而顛沛者在於涼德欽天寶  
七載至自宋都西經洛陽歇鞍登茲懷古欽望  
鑒山河之壯麗想威靈而咫尺慨然有懷敢獻

頌曰

邈矣維嵩峻極于天磅礴崔嵬北臨洪川嶽瀆會  
險蹙圻封泉寔開虎牢作固伊瀍維茲虎牢天設  
臣防攻在坤下拒在离旁昏恃以滅聖憑而王崢  
嶸豁呀孟門相向伊昔漢祖戡秦統周勅敵相及  
此焉淹留終夷海春遂割洪溝乘豐而東奄有九  
州隋氏敗績黎人艱阻帝命太宗陳師鞠旅鐵騎  
傳傳雲旗容與擒夏克鄭在此一舉日月永清昆  
蟲得所歲在戊子西京登茲祇聖肅然憫亡悽其



親

扼

號叔及道復隍懼師項氏烹苛莫能守之隙易同途成敗異時德不在鼎王孫布詞三苗不循魏武

怵怵逆失順獲古今同期申鑒勒銘庶警將來

唐文粹

古函谷關銘

并序

唐獨孤及

王者建邦經野觀象立極於是有重門擊柝以待暴客故封略土宇守在關塞山川邱陵為之城池天作崦函俾屏京室崇山迴合連岡蔽倚長河屈盤萬里來東崖奔嶺蹙谷抱溪鬪崛起重險為秦東門截函夏於閩闔鑠天府於戶牖外扼九州之咽喉故百二形焉內擁六合之奧區故霸王出焉當其周原鹿駭戰國蠓起嬴氏建瓴山東擇肉宇內持戟百萬連衡此關是時



也開關而九國師遁振策而二周鼎入奄有大  
寶遂吞中區及江返秦璧天祐漢祚高皇帝提  
劍而西以遏亂略斬白帝繼降王舉漢中平咸  
陽廓金城以建都活萬姓於三章取威定功此  
焉是保粵若詢事國牒聆風仙籙則真氣靈蹤  
起乎其中柱史一去流沙萬里畱玉函於舊宅  
傳寶圖於本枝豈上帝乃眷興王是感不然何  
錫羨開國如此其盛耶歲在大火余適下陽停  
驂塞門憑覽舊國衿帶如故世道不畱秦餘空  
山漢為茂草恐復舟失於壑岸化為谷萬載之  
後昧者不知乃刻頌此石以示來裔其詞曰  
天地雷雨英雄交爭設險守國作藩于京姓易時  
移山空塞平千秋陵谷想見精靈仙駕長往雄圖  
杳冥何以志之勒碑巖扃



藍田關銘

唐皮日休

六年皮子副諸侯貢士之薦入京程至藍田關  
觀山形關勢迴抱于天秀欲染眸危將驚魄噫  
將造物者心是而加力邪不然者何壯觀若斯  
之盛也易曰王公設險以守其國信矣哉若為  
天下之樞機萬世之閹闕者非茲關而莫守也  
因陳其規是為藍田關銘

天鋪唐業地造唐關千巖作鏢萬嶂為柵難圖其  
形莫狀其秀雙扉未開天地如斗軋然晝啓人流











南曰

十而居庸關在幽州之北最為深阻號天下四塞之一大山中斷兩巖峽束石路盤腸縈帶隙鑿南口北口北口滴瀝濺漫常為冰霰滑溼儒灑側輪趾此音足殆六十里石穴及出北口則尤轉上谷之右並長嶺而西陰湮枯沙遺鏃朽骨悽風慘日自為一天中原能守則為陽國北門中原失守則為陰國南門故自漢唐遼金以來常宿重兵以謹管鑰中統元年皇帝即位於開平則駐蹕之南門又將定都于燕都則京師之北門而屯壁之荒地恐啟狡焉故作銘昇燕京道宣慰府使勒石關上且表請置兵以為設險守國之戒云銘曰

國宅天都高寒之區居庸其樞兮遼右古北陰幽沙磧控帶阨孤兮山連嶺重鍵閉深雄巍巍帝居兮伊昔掣鎖金源敗破遂為坦途兮函谷一夫百萬為魚竟執哥舒兮思啟封疆備不可忘禍生不虞兮寇不可玩機不可緩實惟永圖兮天險地險莫如人險兵刃相須兮刻銘巖岬用告僕夫當戒







之恩信使與賊携遂分諸軍四道而進約並會  
關下復遣一軍逾關而出設為疑伏截其奔衝  
號令堅明莫或逾越三月既望我軍抵昌化與  
賊屢戰乘勝追逐過車盤嶺二十八日諸軍如  
約會集關下即以其日收復關門盜雖有險不  
能以為固矣時驕將或桀驁不用命公單騎自  
臨安道新城度浮雲嶺趨於潛召父老慰撫之  
衆皆感泣請歸順自新因率民兵與大軍合據  
關為守聲威益揚遐邇震疊未幾徽之境土相

繼率卒矣竊惟易稱王公設險以守其國春秋  
書成虎牢傳者謂虎牢鄭之險不繫之鄭責鄭  
不能守也余公推忠立義以制師律昭信布德  
思以牖民表克綏叛徒式遏亂略致是險阨荐歸  
版圖駿功英名將與巽嶺爭相雄偉於悠久徵  
諸大易春秋之義誠在所足嘉定勒銘詩用示  
永世其辭曰  
皇帝在御天清地寧孰作弗靖于我泰平有蠢寇  
徒蟻聚蜂結乘間竊發構禍興孽抗徽之交巍巍



大山維天設險界山為關其險伊何勢勝形阻劍  
門陋蜀盛岡鄙楚寇恃憑陵闡我關門我險彼據  
事乖理屯有偉沈公其氣浩浩乃率王族乃致天  
討兵威所臨遏追殄殲鯨鯢虺蜮蹤消跡潛亦有  
亂人昔我赤子恩言載加請命効死維時沈公威  
恩並宣底定披攘夷視阻艱岩岩茲關我險我有  
孰猶敢闖壞我之守昔壞今完昔塞今通僉曰匪  
它沈公之功公曰敢哉丞相命我丞相之勲我居  
其可丞相曰噤天子明明凡茲武功厥繇皇靈皇  
靈攸被與山無極紀實作詩刻在山石

王忠文公集



居庸關銘

有序

劉定之

我  
余觀自古帝王建極作都君制華裔維本於大  
德以膺天命結人心而未嘗不據依形勝以自  
固而謂振天下之吭者也彼侯國所恃若齊穆  
陵閔楚武閔小不之論而秦與西漢唐都雍周  
與東漢晉都洛乃宇內大都會且傳世久遠統  
御廣際者然雍之險在函谷閔洛之險在成臯  
閔亦不過控臨中國而已唯皇明定鼎冀方南  
向以御諸夏北眺以威戎貊其介乎戎夏之閔



曰居庸實為覆載以內莫大要地志閱在昌平西北四十里元翰林學士王輝謂始皇築長城居息庸徒於此故以名焉夫講求地里實蹟而勒述其義書生事也况茲閱重險鉅防若前之云可不銘乎銘曰  
帝承天命朔野是都坤奠其軸乾屹其樞長城為帶自天繚繞中聳雄閼洞城裏表鐵壁鎔砮玉峽嶮峻俯壓博厚仰矗層霄冠以雉堞守以虎旅屏翰中華香攘醜虜龍旗北伐鼓行其中如雷之震以出太空呼韓南來款塞其下如蟻叩關以干天啟昔秦興役庸徒乃居宋失其防遼金長驅曷若皇明天所綏顧不創而因不嚴而固一夫當之萬夫莫前一世開之萬世其傳攬翠為書磨崖作碣勒此銘章以詒無極



西北四十里元新  
時我遊幸於此  
天莫亦一也聞之萬世其新  
皇明文徵

上三  
道路

開大庾嶺銘

唐蘇訥

石歲鬼兮山崖崖欽崖崖等兮相蔽虧  
莽芊芊噫茲路兮不記年大聖作兮萬物覩惠吾  
人兮道復古役斯來兮力其成石既攻兮山可平  
懷荒服兮走上京通萬商兮重九譯車屯軌兮馬  
齊跡招孔翠兮來齒革伊使臣之光兮將永永而  
無斁



險

棧道銘并序

唐 歐陽詹

秦之坤蜀之艮連高夾深九州之險也陰谿窮  
 谷萬仞直下奔崖峭壁千里無土巨隔岬絕巉  
 嶮冥冥麋鹿無踪猿猴相望自三代而往足  
 莫之能越秦雖有心蜀雖有情五萬年間曷不  
 相接且秦之與蜀也人一其性物同所宜嗜慾  
 無餘源教化無餘門可賀遷可親眺摩圻地脉  
 睽離物理豈造化之意乎天實凝清而成地實  
 凝濁而形當其凝也如露金下鑄騰雲上浮空

全唐文卷之三百五十九



工  
隙有所不周。廻翔有所不令。澄結既定。竅缺生  
乎其中。西南有漏。天之竅缺也。於斯有茲地  
地之竅缺也。天地也者。將以上覆。下燾。含蓄萬  
靈。可通。必使而通者也。苟有可通而未通。則聖  
賢代其止而通之。故有為舟以濟川。為梯以踰  
山。唯茲地有川。不可以舟涉。有山。不可以梯級。  
粵有智慮。念全玄造。立巨衝而舉。追氏繼懸。  
以下梓人。猿坐絕冥。鳥旁危岑。鑿積石以金力。  
梁半空于木。用斜根。玉壘旁。綴青泥。截斷岸。以  
虹矯。繞翠屏。而龍蹕。堅勁文固。雲橫砥平。總庸  
蜀之通滄。統岐雍之康莊。都邑之能步。山川之  
無脛。若水決防。如鴻向陽。南之北之。踵武湯湯。  
躋峨峨以自若。臨蒼蒼而不懼。繇是贊幣以達  
人神。會同稽禮。樂之短長。量威力之汗隆。可王  
者王。可公者公。而吹以風。或曰。受琢之石。長存  
可構之材。無窮。易剝代蠹。斯道也。未始有終。嗚  
呼。為上懷來。在乎德。為下招德。在乎義。德義之  
如今日。則或人之言。前學其反之。則石雖存。恐



不為琢財雖多恐不為構想夫往昔有時而有  
有時而無是用惕惕天下蚩蚩知聖賢創物之  
意之人寡明德義固物之道之人稀敢陳兩端  
之要銘諸斯道之左庶主德義者存今日之所  
履踵武湯湯者荷古人之攸作銘曰  
天覆地燾本亦同設大象難全或漏或缺損多益  
寡聖賢代二彼雖有缺與無缺同惟北曰秦惟南  
則蜀地缺其間坤維不續斗超岸斷屹為兩區秦  
人路絕蜀火烟孤天實不通賢斯有造鑽堅剡勁  
無蹊以道若川匪舟若陸匪車緣危轉虛步驟交  
如楫雖在功存亦由德頊佛劉怒徒完以踣陷落  
我營自顛而植地非革勢才不易林蹠植之致惠  
怨之心勿為斯道不恒勿為斯道可久禮不以禮  
可有而無恭不以恭可無而有創之之意如彼固  
之之物若茲彼知不易茲而易知勒銘于左其同  
我思











或鷲翼而警或竈突而嘔壘或鋸齒而厲利者  
錯峙於翳莽叢棘之中蒸嵐瀕洞人跡杳絕鬱  
為封豕雄虺之區而已矣往年王師既已薙獮  
其不若則累累議請除道而胼胝憚艱錙銖縮  
費卒不能五達六達比於康莊遐邇竊以為病  
是歲癸巳中丞廣陵陳公來撫西粵孜孜急民  
不踰稔諸廢墮競舉獨道梗是念會侍御南昌  
涂公行部所屬親覲險阻嘆曰孰令是版章土  
宇者而蒙昧若斯耶夫有身者脈絡不通則陰

雀

陽賊之有國者道路不通則姦宄賊之粵多雀  
符豈獨其俗獷悍亦惟是阻深者為之窟竇耳  
若道路既除則險為我用而不為賊恃是墮其  
窟而阨其實也雖費寧已乃遂定議於中丞公  
相與檄左轄文君作經畫而督以三道自桂林  
而下踰陽朔屬郭君宗磐自平樂而下踰龍門  
屬不佞時可自勤竹而下抵蒼梧屬蘇君濬各  
率其屬以庇厥役雍莽斲榛批巖夷壤當冲而  
梁當津而舫午殮有頓宵宿有館休憇有亭于

勒



擬有堡又為之益徒騎具糧餉設緝御固不肅  
給於是官者賈者輸將者傳令者往來駢駢如  
馳驟中原齊魯之郊亡不人人愉快也告竣之  
日憲長胡君心得過語時可曰濯濯哉是舉也  
所以幸茲粵者甚大非兩臺真意實志為元元  
裨福澹熒何以率作有位而子來衆庶若斯亟  
耶子不可無辭竊惟先王之教曰司空視塗司  
寇詰姦周人美古公之大業能使昆夷駟喙而  
木之木拔道通蓋險不能據勢不能藏即有詭  
隨戎將焉與故夫塗之視也乃為姦之詰也粵  
於中國為窮處諸郡雜蠻夷間如楚之雜棘平  
居且日廩廩粹有緩急藉令首尾不相應臂指  
不相使何以銷萌杜孽而壯虎豹金湯之勢茲  
役告成環千里間繩結網絡猶之人身辟痲蹠  
盤而和扁為之決脈結筋搦髓探荒以和其榮  
衛達其枝經其何適如之自此垢穢日漸闇昧  
日瘳狐城永杜鼠穴常封四方旅遊且以粵為  
樂土善地其惟兩臺之丕績哉役始于癸巳秋



九月成於甲午春二月凡石路以丈計者五千七百有奇土路以丈計者七萬八千有奇創館十三所。在羊角廣運。上仰沙冲諸堡各二所。在季魚昭平富龍龍江勤竹諸堡各一所。仍舊而加脩者六所。為橋梁一百五十有七。為渡船十有八。為官船一。為亭三。其城旦馬傭館人篙師諸役所設皆倍于昔。所費羨金共一千八百有奇。其分任有司。則昭守黃文炳。桂守周喬光。格守周宗禮等咸竭慶趨事。而昭守勞尤最。蓋昭役于諸郡中居其七耳。乃時可則以主傳故佐文方伯通理曉其始末。特為之計。且為銘。銘曰。粵惟懿域。周山隍川。南梧北桂。昭介其間。五嶺枝經。列郡喉咽。灘江分流。驚波決瀾。奔恣橫放。蕩日搖天。餘皇乘之。若矢脫弦。能岷觸岬。靡碎無堅。溯迴而上。百却一前。挂脊岑竅。魄改辰遷。楊枝生肘。為力何艱。有歧一線。踏磴攀薜。羊腸蝸角。趾側身躄。窮險極峻。寇伏為壘。天討再加。莫能盪湔。法鬱往日。道清斯年。桓桓中丞。三獨稱賢。英英侍御。



使無先廣陵濤發豐城劍刺馳銳曳電貢采相鮮  
燭照千里替如曉端念茲梗塞計密畫全爰命我  
儕分界除阡咸率各屬既緩既度孰阜而夷孰崖  
而鑿鏤滕刻溝決穢疏堙我亭我館我梁我船事  
無敢怠餽莫敢暇百八十旬工用告竣周道如砥  
車騎如泉郵傳候接千里蟬聯遠屏蟲騰永卧戈  
鋌凡此建樹悉本塞洞精流神注元氣迴旋天效  
地應陰殄陽宣阜物蒸黎歛歆爛然立碣題名用  
志歲年凡我後人無替無德

馮元改選集

雜

梓州兜率寺文冢銘

劉蛻

三字目

忘

文冢者長沙劉蛻復愚為文不忍去其草聚而  
封之也蛻愚而不銳於用百工之技天不工蛻  
也而獨文蛻焉故飲食不忘於文晦真不妄於  
文悲戚怨憤疾病嬉遊羣居行役未嘗不以文  
為懷也適當無事而天下將以文為號文明代  
生殖明晦皆效文用故日月星辰文乎旂常昆  
蟲鳥獸文乎藝器徐方之土文于侯社夏翟之  
羽文於旌旄登龍於章升玉於藻百工婦人雕



礬染練以供宗廟祭祀之文用豈獨蛇也生知  
效用不及時文哉然而意常獲助於天而不獲  
助於人故其窮雖窮無憾也當勤意之時不敢  
噫不敢咳不敢唾不敢跛倚嗜慾躁競忘之於  
心其祇之畏之如臨上帝故有祭如星光如日  
氣如蛟宮之水又有黯如屯雲如久陰如枯腐  
熬燥之色則有如春陽如華川透之透之則有  
如海運如震怒動盪怪異夫十為文不得十如  
意少如意則豈非天助乎帝欲使天下聞之而  
必行覩之而必蹈散之茫洋以為道演之浸淫  
以及物然後為農文之使風雨以時兵文之使  
戎虜以順文于野文於市使得其所幽隱之士  
以出口者使之言材者使之用然而自振者無  
力終知者甚稀豈非不獲於人助乎嗚呼十五  
年矣實得二千七百八十紙有塗者乙者有注  
指者有覆背者有朱墨圍者於是以前周易筮之  
過復之同人筮者曰鳴於地中殷隆七日其復  
復來而天下昭融乎他日更召龜而令之將聽



襲吉卜於火如秦兆惟曰不吉卜於水不成乎  
 河洛兆則亦惟曰不吉卜於土而閔之土叶吉  
 累卜為冢則汲之兆乎峭之為壁則魯之兆乎  
 且其占曰土之文為山河為華英將不崩不竭  
 為滋味而傳乎結為邱陵為其設險乎融為川  
 瀆率其朝宗乎華為百穀以絜祭祀之案盛乎  
 不然使其速腐為墟壤生芻藁以食牛羊乎化  
 塗泥為陶旒以作器乎將塊為五色而茅社分  
 封乎流於樂為土鼓為由桴以洩其和聲乎夷

為都邑以興宮廟坎為洿池以澤生殖乎祀為  
 壇竈乎竅為井墓乎吾皆不得而知也當既不  
 為吾用惟速化為百工之用慎無朽為芝菌以  
 怪人自媚慎無堅為金鐵以作貨起爭慎無滴  
 為醴泉以味乎詔口慎無禱為城社以狐鼠憑  
 妖慎無聳為良材以雕斲傷性慎無萌為蘭茝  
 以佩服見褻嗚呼介而為石使之能言舒而為  
 蟪使之飲泉既而他年遊魂之未返者亦命巫  
 師而弔三招之號曰在几閣而來歸兮奄為塵



文

垢在耳目而來歸兮奄視聽泐醜在口吻而來  
歸兮譽不汝久噫絕筆之年而麟見崇文其無  
宗乎吟非珠玉飲無裾襦後世詩禮之儒無驚  
吾之幽墟其冢也在莽蒼之野大塊之邱時有  
唐大中之丁卯而戊辰之季秋銘云  
文乎有乎有鬼神乎風水惟貞將利其子孫乎

*宋濂*  
*全唐文*

詩塚銘 有序

明 宋濂

番有奇男子曰魯脩學詩李存先生先生以文雄  
江東獨才脩脩有詩用十人皆緣情善賦番數  
羅兵燹脩懼其詩失傳擬埴為甍刻瘞芝山中  
已請太史宋濂勒銘其上銘曰

効

河清嶽明郊坤之靈何誕綏兮鳥文龍章於察其  
英叶昌厥辭兮冥智歛真返諸至神葬黃壚兮洩  
為醴泉三秀千眠合負符兮番山可夷番川可移  
道如初兮

宋學士集











關汝從寫道德經與關尹蒙莊齊物逍遙汝從  
之吏于漆園從荀況在蘭陵從韓愈諫佛骨逐  
鯉魚在朝與潮陽伊川貶涪陵龍門汝從之傳  
易朱熹號遜翁汝從而欲革劾韓侂胄疏于雲  
谷蘇子瞻黃庭堅南遷汝從而與吳說鷄距相  
浮放海外文天祥斬柴市汝從而歌六歌成仁  
取義燕京故高功得汝以紀齊晉二史得汝崔  
杼趙盾惡有所書春秋得汝亂臣賊子有所懼  
孟子七篇得汝尊王賤伯老莊荀韓得汝老莊  
荀韓之文以傳伊川晦庵得汝註釋成其偉儒  
子瞻庭堅得汝海外節義不殞隊宋家三百年  
文天祥得汝炳播其忠此數賢哲皆汝之力也  
余生平得汝之力亦多矣老而耕于野五十餘  
年汝日夕與余從事不離余左右然余亦憫汝  
之勞且久今且禿然俱種種成一翁矣恐一旦  
冒霜露汝委骨于野無所收拾恨何可言迺謀  
于家斂汝族類葬汝于此嘉靖戊午十月十日  
草棺瓦槨以記汝勞以旌汝功嗚呼汝億萬載



後其尚有知而余從也耶冢不高高三尺有奇  
在華陽西竹山坡下銘曰  
汝精英瘞于此汝惠澤流于世吁汝功德是不獨  
利其子孫繫國家柱石惟永年

天游山人集

陋巷銘

唐陸龜蒙

魯國千乘豈無康達傳載陋巷以顏居之鄙委側  
僻樞乘覆茨簞瓢屢空其樂怡怡聖人之言終日  
不違易黃獨入云顏庶幾門直大道堂如翬飛梁  
肉在御狼貪豕肥陋巷相忒不其遠而我實狂狷  
蓬蒿所宜勒于柴荆賢哉是思







此堂之設所以示勸懲而垂教訓也  
其間之書皆先王之法也  
其間之器皆先王之禮也  
其間之樂皆先王之樂也  
其間之器皆先王之樂也  
其間之器皆先王之樂也  
其間之器皆先王之樂也  
其間之器皆先王之樂也

皇明文徵

書堂石室銘

宋陳與義

諫議周公讀書之石室在武岡之紫陽山千尋  
石室其下廣焉延袤十丈蓋雷霆鬼神之為非  
人力所就者前臨溪水左右微徑曠絕峭嶢登  
者所難公於是學焉既成出仕遂列法從為嘉  
祐名臣其子孫食舊德之名氏者至于今不絕  
建炎庚戌之春與義避地過焉公不可復見其  
石室巋然因感歎慕鑿其傍而銘之曰  
巍巍仁祖軼堯邁禹揆厥所因中外有人有列周



公聰明正真推原厥本功在石室仁祖在天公在  
列星石室在茲公寔臨之咨爾山鬼護而勿失咨  
爾裔孫肅茲草木後有興者無愧茲石下與日東  
林公曰其子孫會當興之公乃嘗至乎今不與  
昔而歸公外是聖德流於世也遂以公名  
入於世傳皆南朝公也古尚武節然則與登  
公室其下不與也遂乎大蓋留聖恩斯之也非  
軒蓋周公難言之也遂以公名而名之

書室石室銘

陳簡齋詩集

東山樂丘銘 明 楊守陳

雖互興縣治東南五十里有山曰大朝蓋自離  
墨銅官諸山蜿蜒東邁至北而蟠又東歷大小  
蘭山瞰五湖而止其兩支左曰東右曰西山對  
峙而交抱抱中有宇鳥革而暈飛者封奉直大  
夫沈君彞茂常之宅也君衣纓之冑先廬墊隘  
始墅于北而遂家焉贊黍富饒行悖孝義齒踰  
耆而望老矣一日行于東山之陽有丘覆釜四  
周掌平泉甘而土腴草豐而木茂重岡複嶺宛



委回環而芙蓉一峰屹當其前勢若平障君願  
而愛欲於是乎終焉相以錦囊篋以歸藏偕告  
曰吉廼審陰陽定地域鳩工聚斲畝土甃墻券  
臺既築萃表斯樹構堂其傍以備拜掃疏泉為  
沼而梁之蔣列嘉葩剔露美石時與賓客燕游  
其間卞郎中榮因目其景有八嶂曰翠屏泉曰  
玉帶名以其所象谷曰幽蘭坡曰瑞芝號以其  
所有伏虎之石臥虹之橋名亦象也藏雲之塢  
印月之地號亦有也合而名之曰東山樂丘取  
公叔文子升瑕丘之語也既而君之子南京戶  
部郎中暉請余記而銘之銘曰

億世在後萬古在前有生必死疇能不然尸解涅  
槃皆歸于土雖云飛昇世亦誰覩彼岷蚩蚩諱死  
貪生我懷古人司空明文荷缶惟狂石擲大靡惟  
彼繭室庶無悖禮大夫憲之自營其藏生氣之會  
東山之陽幽堂肇完樹木交翳其封不高曰葬猶  
未未葬百年既葬億年樂哉斯丘固哉斯阡



未亦霖百羊... 東山之... 外... 會... 樂... 對... 浩... 公...

午山銘

鄭曉

奕奕安陽望於楚中昆侖磅礴含靈萃冲若拱若  
抱既隱既隆經之營之坎為泉宮爰獲奇石厥文  
永午午永陽安意言相伍有開必先匪今伊古斯  
乃神授以篤家祐乃象物宜而占數術是為乾龍  
是為離日是為書九是為圖七於茲發祥終焉允  
吉仁人孝子克慎克蠲思啓行翼余取弗虔敬以  
自命有順無愆秉茲陽德事親事天

鄭端簡公集











武王十一年... 樂圃餘藁

銅盤銘

武王

左林右泉前罔後道萬世之靈於焉是保

注武字自也

武王封比干  
差而作也



Faint, illegible text on the left page, possibly bleed-through from the reverse side.

廣文選  
 卷之五  
 廣文選  
 卷之五  
 廣文選  
 卷之五



銘林七

宮室銘

宮閣臺

殿樓閣

旦  
與

一  
書  
海

四百九十行

一  
標

丙申正月念八  
日自晦  
二月十四日  
三月廿五日  
四月廿五日  
五月廿五日  
六月廿五日  
七月廿五日  
八月廿五日  
九月廿五日  
十月廿五日  
十一月廿五日  
十二月廿五日



言

銘林卷之七

宮室

宮

殿

宮

殿

殿

殿

〇

四字目

永安宮銘

下ヨリ六字目

漢李尤

合歡黃堂中和是運舊廬懷本新果暢春候臺集  
道碑司星辰豐業廣德以協天人萬福來秋嘉娉  
永欣

有東家作印作助

助

古詩類元



*[Faint bleed-through text from the reverse side of the page]*

萬年宮碑銘

并序

唐高宗

言リ目

朕聞金臺造選超忽崑閬之間玉闕參差縣邈  
蓬瀛之際是以周王肆轍唯招既往之德漢帝  
遐遊空益將來之弊豈如岐陽峻阜鎮茲京甸  
疏林光之別館建甘泉之離宮東望嵩華千林  
結影一作結綠西瞻龍阪派水分流南俯茶原風雲交  
映北臨石柱川岳相縈迴迴孤岑秀三襲於霞  
表斜斜危路環九折於雲心複澗澄陰扇炎風  
而變冷重壑潛暑韜夏景而翻寒故知五鎮之

映



基空號神州之地三仙之嶺虛傳靈府之都未  
若翦石裁宮構飛檐於迴漢騰虛架宇聳紫殿  
於遙空百仞朱樓月盈虧於青瑣千尋翠閣雲  
舒卷於丹墀岫綴霞衣點虹梁而散錦巖飛溜  
帶潛石砌而飛珠浮涼氣於彤閣庭留花而空  
夏凝清陰於碧沼池結鏡而冰春泉擊花潭沁  
雙峯而吐秀波搖錦石皎兩鏡而騰暉幾片斷  
雲縈松合蓋數藂幽桂梅月分香暝壑棲煙籠  
千崖而散碧朝原吐日輝四野而舒紅笑樹餘

花低空落影吟風宿鳥響谷雙嬌鶯不恨而虛  
啼蜨無情而散舞朕載懷千古流鑒百王思欲  
屏逸收騎怡神遠慮崆峒訪道欽往哲之高風  
姑射尋真挹先賢之宿志所以停軒禁籞駐蹕  
榆川非欲賞恣盤遊途窮轍迹加以時侵首夏  
日帶餘春露泣修篁風清遠澗松蘿雲起藤葛  
星懸可以陶瑩心靈澄清耳目鏡冰霜則廉潔  
斯在撫松筠則貞操非遙昔姬后西征猶刊奔  
石秦王東指尚勒稽峯況勝地淹留何必革昏



之國蕭然物外不假元圃之阿故以劬美千齡  
騰徽萬古景其前躅爰紀茲地其銘曰

靈山作鎮挺秀岐陽遠圖天柱迴儼瑤房鸞嬌淑  
氣花泛韶光樹含冬霰巖留夏霜構宇重巘裁基  
疊岫石砌披錦山窻點繡佩小蘭新峯殘蓮舊雪  
徑如花冰溪恒晝標途天外聳闕雲端煙霾遠谷  
霧宿危巖闕澗曲迴湍形閤潛暑翠幌凝寒憇駕  
離宮淹留禁苑柳初看細潭深鏡遠葢逐雲穿苔  
隨雨卷葉冷惟秋莊濃闕晚泉飛嶺腹景鑿巖心

惟

霞踈錦薄草密袍深露荷傾玉風瑩散金簷空鷄  
靜山昏日沈邱壑怡神林篁賞性千里眺覽八州  
澄鏡玉燭詞序薰琴動詠仰則高山刊規遠映



Blank page with vertical lines for text.

全唐文卷十五

新宮銘

唐 山元卿

良帝西麓源澤東泄新宮宏宏崇軒轅轅雕珉盤  
礎鏤檀竦棠碧瓦鱗差瑤階肪截閣凝瑞霧樓橫  
祥霓騶虞巡徽昌明捧闌珠樹規連玉泉矩洩靈  
飈遐集聖日俯晰太上游儲無極便闕百神守護  
諸真班列仙翁鶴立道師冰潔玉成漿饌瓊為縻  
屑桂旂不動蘭幄重設妙樂競奏流鈴間發天籟  
虛徐風簫冷徹鳳歌諧律鶴舞會節三變元雲九  
成絳雪易遷徒語童初詎說為毀乾坤自有日月



清寧二百三十一年四月十二日建

*[Faint vertical text, likely bleed-through from the reverse side]*

同上 全唐文

德陽殿銘

漢李尤

弘 弘  
皇穹垂象以示帝王紫微之側。孔誕彌光。大漢體  
天承以德陽。崇孔高麗。包受萬方。內綜朝貢。外  
遐荒。

了陽崇

古詩類苑

一大夫家 家



太極殿銘

陳沈炯

臣聞在天成象紫宮所以昭著在地成形赤縣  
 居其區宇太極殿者資兩儀之意為大壯顯其  
 全模上圭測其正影周曰跽寢漢稱前殿雖名  
 號參差其實一也主上未明求衣日旰忘餐隳  
 樂壞禮造以番神漢陞秦漢莫不葺復而此殿  
 興造累歲未成外構戎機內憂民力劬勞深慮  
 往再移時至陳永定六合既清五禮稍備雕楹  
 玉帛華櫝壁璫揆之有日而猶一柱梗楠豫章



地淪外寇。楚材晉用。非復我求。既而新亭前江。  
有流查甚壯。盤根錯節。枝葉葱蒨。津人以聞。正  
堪時用。於是將作受詔。各官奉職。百工並作。屢  
降乘輿。匠石磨礮。必經天肯。儉而不固。泰而不  
著。憶北塹塹而樂成也。曾未數旬。煥然雲構。昔  
晉朝繕造。文杏有闕。梅梁瑞至。畫以標范。自是  
迄今。又獲神物。即樟樹焉。殿之某間。即其柱是  
也。銘曰。

軒轅狹堂。夏后卑宮。文來質往。蹇產彌崇。體制八  
都。開茲萬戶。灼爍雄梁。徘徊大廡。壁月霄懸。卿雲  
畫聚。豈伊閩陽。飛來應柱。嘉辰令月。新寢告成。青  
槐赤棘。郎將思兵。翠被負宸。百辟公卿。鐘鼓八佾。  
蕭韶九成。庸臣再拜。天子萬齡。

同上







天既昔梁氏承聖將圖繕脩東虜窺江西胡犯  
蹕定之方中亟興師旅揆之以日輒有災故是  
知秦人所止實漢祖而為宮吳都佳氣乃元皇  
而斯宅千楹赫奕萬拱峻層植綠菱而動微風  
舒丹蓮而制流火甘泉遠望觀正殿之崢嶸函  
谷遙看美皇居之壯麗信乎齊三光而示宇宙  
會萬國而朝諸侯爰命微臣乃為銘曰  
雍時相望參差未央偃師回顧崔嵬德陽高捫太  
乙正睹瑤光峨峨靈柱赫赫流樟美哉宮室嘉哉  
今日御宸垂旒當朝靖蹕樂備韶夏禮兼文質帝  
旅無喧王旗斯謐肅肅卿士邕邕承弼漢座彫屏  
周人楹櫺城隅有勒殿省皆銘況復皇寢宜昭國  
經方流典訓永樹天庭



干

五偽既掃、真符錫寶、晏々太平、物茂人好、告岱垂  
統、省方乎宋、天步所及、澤浹植動、我先大夫、頌慶  
觀、醕平箱載酒、號太平車、帝功不載、衍々于々年  
流、忽住、臣職司護、不掃不汚、下有帝武、宗岳極坤、  
穹碑觸雲、祖烈耀焯、吾侯後昆、陛下承業、萬國一  
振、德廣翕協、采文可法、頌碑琢謀、臣筆日涉、

章聖天臨殿銘

米芾

徐孝穆人



千  
駐蹕... 聖訓... 萬姓... 悅服... 群生... 欣豫... 薄海... 內外... 薰為... 太和... 上猶... 謙讓... 弗自... 以為... 德且... 暮親... 政勤... 勵靡... 怠復... 於乾... 清坤... 寧南... 北二... 宮間... 為退... 朝燕... 處之... 殿置... 古書... 聖訓... 於其... 中沉... 玩靜... 思名... 之曰... 省躬... 諭以... 尚父... 所存... 丹書... 之旨... 夏書... 所歌... 聲色... 室宮... 之戒... 曰汝... 其以... 是為... 銘臣... 受命... 而退... 拜稽... 首言... 曰天... 下國... 家之... 本在... 乎

省躬殿銘有序

明方孝孺

皇上嗣大寶位、清心恭己、喜怒不形、輕徭減賦、賞罰以類、舉措得宜、行之明年、萬姓悅服、群生欣豫、薄海內外、薰為太和、上猶謙讓、弗自以為德、且暮親政、勤勵靡怠、復於乾清坤寧、南北二宮間、為退朝燕處之殿、置古書聖訓於其中、沉玩靜思、名之曰省躬、諭以尚父所存丹書之旨、夏書所歌聲色室宮之戒、曰汝其以是為銘、臣受命而退、拜稽首言曰、天下國家之本在乎



君君之所以建極垂範於四海者在乎身而致此身於無過之地俾黎元蒙福後世承式者不以心為之宰乎是心也五性具焉五典行焉萬理萃焉萬事出焉苟或不有以持之則發乎正者易微流乎欲者易危是以聖人慎之而加省察之功德若堯舜可以為至矣而兢業不懈勲若禹湯武王可謂難能矣而未嘗敢忘乎學祇德而聞善則拜者禹也屏遠聲色貨利而聖敬日躋者湯也從事故怠義欲之訓而銘于席鑑衣冠以自警者武王也其為事不同其敬以省躬則一也故其德業如日月之光與天地並存後之君非無雄才美質然不知聖學之要或始于勤而終于肆或勉強於衆庶瞻覲之時而放逸於閑處狎處之際其不能比隆於古豈無所由然哉惟我皇上以二帝三王之資居二帝三王之位而篤志聖人之學日蒞治安者既無媿於古矣退而燕休不少暇逸而復省躬于斯焉觀棟宇而若上帝之臨撫屏展而若祖考之格



聖心湛然與天為一思慮圖猷靡有弗敬至理  
昭朗邪慝消除愛惡怒忿之偏無自而出芬華  
靡麗之誘無間而入固不待省而自存也而省  
躬之念不忘匪深得乎堯舜禹湯相傳之道烏  
能臻斯盛乎斯道不傳也蓋久徒知以智術法  
律為治以故小不足以移風易俗而大不足以  
祈天永命聖上以敬為學繼自今始終弗二內  
外因愆將見陰陽協年谷登四靈至品彙咸若  
子孫黎民受祉于千萬年矣臣幸以勸構為職

謹奉制獻銘曰

天眷君德付畀兆民民之慘舒繫乎一人萬化之  
原庶政之本大哉此心與天地準心乎克敬恭已  
無為百度以貞四海雍熙或怠以肆天德淪亡內  
外交荒邦用弗昌至聖惟堯舜禹湯武以敬相傳  
千載同矩明明天子前聖是師端拱法宮天下順  
之未旦而朝既盥而食淵默齋莊以建皇極于郊  
于廟鬼神降臨惠于臣民動靡不欽任官以賢敷  
政惟德薄賦寬刑恤孤掩骼至仁暢達露被萬方



惟

惟帝克敬天降康帝心弗居彌自謙抑內殿燕休  
寅棻朝夕究觀前史以鑑安危左書右詩千古與  
期嗜好未形防鉅于小喜怒之發必循乎道思欲  
其普政欲平其兵欲不試刑寓好生下察民情上  
祇天戒咸省躬無時怠懈敬怠之微古有訓辭怠  
則患生敬為福基身心既謹復省于事曷於盛時  
可保長治帝心乾乾如日在天不息于照行臨八  
筵萃構有嚴寶資聖敬育德綏民永受天慶

閣樓

遜志齋集

惠州李氏潛珍閣銘

宋 蘇軾

龍九淵之神龍泐淵潛以自珍雖無心於求世亦  
擇勝而栖蔚蔚鵝城之南麓擢仙李之芳根因石阜  
以庭宇跨飲江之鰲龜岌飛簷與鐵柱挿清江  
之太淵淪眩古潭之百尺涵萬象於瑤琨映月魄以  
終夜湛天容之方春信蒼蒼之非色極深遠而自  
然疑貝闕與珠宮有玉函之老人予南征其萬里  
友魚鰕與蛭蠃逝去而及顧託江流以投之悼此  
江之獨而歎妙意之不陳逮公子之東歸寓此懷

上言三字目



於一樽雖神龍之或殺終不殺之為仁

*[Faint bleed-through text from the reverse side of the page]*

東坡全集

李元中難禪閣銘

并序

宋

黃庭堅

龍眠道人李元中為宜春決曹掾盡心於犴獄  
忠信慈惠於百度訟者代辜而即罪如罪在已  
治罪之器人服而病焉如傷在已邇其寒飢苛  
蟬加以保惠教誨使宥者溟然而悔杜者自今  
而悔流者在塗而悔死者方來而悔孔子曰子  
產衆人之母也而書言不盡其行事未知其能  
若是乎獄事既飭於是築閣以退聽已無憾而  
後安禪而冠石於其友山谷道人山谷曰菩薩



久習勝妙禪定於諸三昧心得自在哀閔眾生  
欲令成熟捨第一禪樂而生欲界是名菩薩難  
禪可名曰難禪閻龍眠曰若是則吾豈敢敢不  
勉焉請為我銘之山谷曰勸已以不倦勸同事  
以不倦勸萬物以不倦故曰難爾夫禪又何難

銘曰

正念現前常樂我禪於法不難生死險地施物無  
畏於法不易能易能難則無難易姐豆鳩毒使令  
虎兒蛇乎其無心澹乎其無味至道之極不出於  
聖人萬物之祖不歸於天後百世而見堯舜忘義  
忘年不動不禪坐無生禪



山谷文集

奎章閣銘

元 虞伯生

維皇穆清，中正無為。翼翼其欽，聖性日熙。廼闕延閣，左圖右史。匪資燕娛，稽古之理。經緯有文，如日行天。爰刻貞玉，垂美萬年。



















巖巖崇樓，藐層隅，階基天削，戶牖雲區。瞰江列楹，望景延除。積清風，露合絲烟。塗俯窺淮海，俛眺荆吳。我王結駕藻思，神居宜此。萬春修靈所扶。

文選樓銘

唐樓夔

文選樓者，梁昭明太子選文之地。時逾四代，年將五百，清風懿號，藹然不泯。况廣陵乃隋室故郡，遺事斯存，未之於今。陳跡盡滅，斯猶巍、久而益新。其不由以學而立道者，道則不朽，以文而經業者，業則不磨乎。宏農子終，於是樓提筆路絕，且慮夫不文不典者，肆而處，乃法以銘云：我、萬宇匪歌則舞，美哉此樓，獨以文修，自由名貴，不以華致。雖起千古，靡有顛墜，孰堪其登，必精



必誠孰可以居必賢必明無聚優以為娛無習伎  
以稱榮吾恐其素德懷辱於冥

*[Faint bleed-through text from the reverse side of the page]*

全唐文

黃樓銘 并序

宋 陳師道

熙寧十年京東路安撫使臣某轉運使臣某判  
官臣某誓首言河決澶州南傾淮泗彭城當其  
衝夾以連山扼以呂梁流池不時盈溢千里平  
地水深丈餘下顧城中井出脉發東薄兩隅西  
入通海南壞水垣土惡不支百有餘日而後已  
守臣蘇某深惟流亡為天子憂夙夜不怠以勞  
其人興發戍兵固弊應卒外為長槎乘高如虹  
以殺其怒內為大隄附城如環以持其潰築二



揚人

防於南門之外。以適南山。以安危疑。發倉廩。明勸禁。以惠困窮。以督盜賊。宣布恩澤。巡行內外。吏民嚮化。興於事功。法施四邑。誠格百神。可謂有功矣。宣有褒嘉。以勸郡縣。十月二日甲子。奏京師。明年元豐正月甲子。制誥諭意。臣某。惟念祇承謨訓。入神力同。敢自為功。以速大戾。而明揚褒大。無以報稱。乃作黃樓於東門。具刻明詔。以承天休。而明德意。使其客陳師道。以為之銘。臣師道。伏惟呂尚南仲。內撫百姓。外平諸侯。詩美文武。尹吉甫。召虎。南伐淮夷。北伐獫狁。功歌宣王。君能使人。以盡其才。臣能有功。以報其上。古之義也。臣師道。又惟感而通之者。道也行而化之者。德也。制法明教者。政也。治人成功者。事也。昔之詩人。歌其政事。則并其道德。而傳之。後王有作。可舉而行。顧臣之愚。何與於此。誠樂君臣之盡道云。臣不佞。冒死上黃樓銘。其詞曰。皇治惟成。脩明法度。協和陰陽。十有一年。天災時行。河失其防。齊魯梁楚。千里四達。潰亂散亡。皇仁







維究維復維以游勿肆勿措維平乃心以會其理  
切于乃躬以察以體積功既深有燁其明而然意  
表大體斯呈聖豈予斯實發予機俾予自知以永  
乎為若火始燃若泉始達推之自茲進孰予曷若  
登泰山益高益崇維理無形維經無窮嗟哉學子  
盍敬念茲以是讀書則或庶幾

張商賢集  
嘉熙三年余同故人雲太虛游東山借榻謝家  
池館得士曰傑笑雲蓋負一字宗之左券者築  
樓曰見山而請銘余方汲汲問醫未暇後少年  
來京師時笑雲散席稱心首衆善提復理前請  
又明年九月乃克銘銘曰

見山樓銘

宋釋無文

嘉熙三年余同故人雲太虛游東山借榻謝家  
池館得士曰傑笑雲蓋負一字宗之左券者築  
樓曰見山而請銘余方汲汲問醫未暇後少年  
來京師時笑雲散席稱心首衆善提復理前請  
又明年九月乃克銘銘曰  
望之兮孤危即之兮坦夷存乎中也澤而腴登乎  
外也華而滋纖穠榮枯雖順乎四時高明博厚儼  
萬古而不移此蓋吾心之常分不待智者而後知



採菊東籬，悠然始見，何其遠且背，而嗟夫淵明遠矣，吾不及望其形儀，月滿屋梁，秋在闌干，接北斗兮為盃，掬長江兮為酒，而招以楚人之辭，待其跨白鶴，御冷風，翩然而來也，以斯文告之。

嘉慶三年余回故入聖大正東山前  
具山對錄 無文印

是亦樓銘

朱子前入

柳塘兄名東閣曰是亦樓而請題於樗寮寺魚張公余江海歸來多宴坐其上藏天下於天下於是焉得之銘曰

泰山倚雲滄海流天極其致也一滴一拳極小同大極大同小細入無間大無邊表我登此樓兩眼橫秋日月一螢天地一漚世間小兒蒼黃鞅掌呼之斯來卧於其上

泰

丞







府使揆材庀工梁棟惟良舂築惟堅樓成而枿  
拱奮飛堊塗昭煥加于舊矣起至順庚午七月  
明年九月訖工凡役工一萬六千六百八十六  
縻鈔以錠計一千七百九十有七米以石計二  
百九十其崇口口口尺縱廣口口口尺視  
其役者杭府達魯荅赤荅里馬思的泣其成者  
行省平章政事易釋重阿公而左右司都事鄧  
巨川實伉經畫又三年為歲癸酉始礪石請文  
用著成績文曰

皇有九有洽于大同基命定命憲天推恩保邦制  
治建侯樹公提封四海其旅牲以堯舜博濟猶病  
乎仁中牧分疆維以範民睠茲越吳寶古南服闡  
省命相江閩併屬界之嶺海繚以溪谷粟米麻絲  
監茶荈服器之貢克物航輦歲寶王府有式有  
典東南大藩曰維錢唐前臨潮汐四周臺隍吳山  
中亘距奮翼張有截崔嵬有崇闔闔兩觀之間有  
閣渠以闡楹北嚮實拱皇都乃歲己巳守者弗格  
融風晝揚焚巢燹作曾是岩堯化為真漢宰臣曰



氣 栢

吁天工予代是心魏闕無乎不在一樓之興民所  
瞻對予圖厥新維時是因乃度上功乃發官緡相  
彼基構益之廣輪其材儲杉其飾髹丹雕楹繡柶  
露拱雲棗舳舳騰擊如濤湧山望氣占氣亦承亦  
序壺氏縣壺鼓人擊鼓以警昕昏以戒廬旅高出  
于塗賈藏于市夷有奉琛使有結軌塵海幢々覲  
是瓌美來游未登稅于高層風清瓊宇星貫玉繩  
江湖兩漚日升月恒昔在李唐武勝名軍揚益次  
杭章章有聞錢氏建國百年四君宋初藉述爰擇  
牧守涵育既優民訖于富貨資化居工尚文鏤燕  
遊以時惟豐故豫簪臺構亭剡巖河圖駮人墨客  
興言能賦豈若斯樓雄捷高明不尊序賓不主觀  
兵引首北顧咫尺神京神京巖々民環拱之如轂  
斯運我約其軌如網斯張我挈其維庶民惟星師  
尹惟日其分雖殊其誠克一尤陟右降如承宥容  
斗牛之墟方半萬里太微分光固是四履宅揆良  
哉民昏樂只上公惟宰宰士惟僚森先憂罔不夙  
宵金穰歲兆玉燭時調諸侯之門曰應曰臯行損

寤



畫戟有建駢旄威行令施無滯無怕星河在兵民  
物在下樓觀魏、有載中夏侯度克脩純錫天穀  
殿吾敢私為天子壽化自北南實右勒辭山石敬  
拜稽首

實錄

*[Faint bleed-through text from the reverse side of the page]*

豫章樓銘

有序

江西等處行中書省治龍興而龍興古揚域豫  
章其郡名也乃泰定四年秋八月甲子重作南  
樓于城上實備雉門之制題其榜曰豫章以為  
治格章明則民昏悅豫有以靈承上恩名從其  
舊具新義烏日既南至太合譙張樂以落之相  
臣臨席賓寮列俎酒酣歡洽咸謂新茲傑觀增  
壯南服宜有銘詩昭示永久則以其辭命贊贊  
不敢讓為之銘曰



學

維皇有野，維地有區。九土三條，辨方制隅。揚城入  
斗，亦禹所敷。春秋戰國，捨裂紛如。中江而西，爰闢  
邑邦。畫茲豫章，曳楚引吳。漢因秦郡，建侯以居。提  
封所既，海滢嶺砥。洪始名州，廢郡之餘。雖則分疆，  
百雉維都。觀察節度，幢纛麾符。作鎮開藩，列城受  
呼。守牧之良，若史有舉。宋制遵唐，謀師選儒。迨更  
府號，考義則踈。以年而命，稽實本虛。神元應天，統  
御方輿。既定南紀，旋安里閭。時哉，示正。延皇儲，  
錫是分地。襟江帶湖，世祖有詔。雷行電舒，曰惟龍  
興。由夫澤菹，其潛其躍。乾道與俱，異指同音。革之  
延季，遂簡宰臣。建行中書，以張國威。以宣廟謨，亦  
訓亦齊。無劉無孛，課則民庸。賦則兵車，謹修儉候。  
度職貢，乃輸富而教之。俗怡以愉，其北柴桑。其南  
番禺，萬里行涉，不煩戒徒。凡四星終，若閱朝晡。治  
理之成一軌，無渝肆今。省署堂昔，雌塗府舍。潭々  
孰啓新模，擬勢雄尊。象乎紫樞，兩觀之間。有列闈  
闈，疏為修闕。達及交衢，扇燼揚埃。忽不須臾，宰臣  
曰噫。責其在余，有兵民企瞻所於。譬諸服喪，祿則

余



有裾函書驛聞報發官幣大察部役令丞具齋陶  
 埴斬材工來于于層構勃興鴨騫蜃噓翼三闌楯  
 隆棟桴其崇五仞其廣百膚上宜綴筵下可建旗  
 雲宿藻井霞飄綺櫺西山晴翠時落堦除如憑廣  
 莫如挹方諸湖滌右汎江瀾允紆于帆輻集萬屋  
 鱗鋪警夜嚴昕有鼓鐸鈇有節于振有栖漏壺坐  
 息徙倚有亭有廬亦有遊氣不攘而祛宰臣來登  
 稅駕踟躕曰今高朗維昔溢濟匪曾匪埤匪剔匪  
 剗度不在奢名不在誣即榜豫章在志古初豈惟  
 志古亦民不迂爾卜牲釁爾謀燕昏我有嘉賓爾  
 肅以趨上公維宰玄袞繡襦色笑始賓其虛其徐  
 敬哉既升醪漿載斟吳絲蜀桐趙玉燕妹碣極之  
 戲角觥之夫次舉交陳卒徵虞人講禮有容流風  
 四徂以我亘邊易彼斯文聖人設險有不可踰域  
 山界谿猶迹之麓治在郡縣謂若蒲盧古然今否  
 問牧棄芻宰臣維垣志範其驅大閑克正小體自  
 綍繫此江粵夥民曠虛八夫四耦三歲一畜或有  
 遺秉野無逋租由宰臣賢仁涵義濡麟遊鳳鳴可



王忠工誤

坐以須載瞻臺墮飛閣渠臨茲治城如承盤孟  
由穎陰侯爰始抽抹歷數千年考考應圖洪惟寶  
命天降神扶赫宗支一本而夸前星次烏麗于  
南弧熒光所被川媚壤腴封建之福在德不孤宰  
臣作樓非以聚輔固國藩墉有隆無汙民之戴之  
豈樂以訐陋儒屬辭實繁且蕪請命劉工託諸砮

砮

同上柳行劉文集

重恩樓銘

張汝弼

天恩如海臣心如石惟義有方奕世無斁

東海集



綠雨樓銘

陸深

客有出安福巷者見岑樓突起有槐覆于北簷  
問曰此誰氏之居也應者曰松江陸子容乃紆  
轡訪焉及門主人肅容而升隙光出入溶溶洩  
洩猥若積翳回薄衿佩涼爽霑溽若霖望之可  
掇卽之無物容曰美哉此槐之精也有似綠雨  
盍名其樓主人起謝曰善願揮厥旨容曰夫本  
滋者末茂蓄豐者施廣昔人擇甘厚之壤蔭尺  
寸之前孰不欲資其身詒厥子孫然非十年不

若霖



用非百年不成亦難矣。槐者不知更若于主栽  
培灌溉之力不知閱若干歲至于子之身而有  
之庸非天定乎且綠蒼勝黃之間去聲色水土之  
中氣雨天之澤而氣之和也君子顧名思義以  
華國普施不亦可乎夫舍子其誰主人避席曰  
若是則吾豈敢然亦不敢不勗以塞子之望客  
曰夫木值秋則零非逆性也君子深藏若愚非  
敗行也草木榮枯以順令君子行藏以正命主  
人於是憮然若失瞿去聲然若獲請客識之于壁

客既叙其事復繫之銘銘曰

嘉樹巍巍安福之里有樓言言與厥樹峙誰其有  
之雲間陸氏古有哲士一衡一龍聯英闡葩光于  
家邦奕葉承之載構載堂巋哉斯樓層城為屏西  
有玉泉山名東有觀星臺名仰瞻帝閣庶司在下屋瓦  
鱗次廣陌聰聰葺其上區以藏以修潛室素軒皆  
在斯樓名綠雨者厥掇其奇勿謂固弗培勿謂崇  
弗治平聲汝茂汝施我言如著

徽山文集







盡有之而西南烏石衡山亦平接於軒戶之外  
其宛者若揖讓者其徑者若躡者予恐或者以  
為靜觀之意在茲為之作銘告焉銘曰  
天下之理曰動與靜動而多悔靜正惟命豈靜者  
天而動以人氣機不御理失其真原夫太極靜乃  
其始動而生陽動極復止一理流行二氣交運於  
復何言萬物以順人心以靈毛髮肌膚不與厥形  
惟聖體之惟靜是主爰德配天道在終古衆人蠢  
蠢私欲橫流氣騖理昏冊圖厥修况弗知敬親弗  
知愛不肖之身於德日悖君子內省靜則難能一  
有感觸戰戰兢兢慎而又慎動其無忘此心虛靈  
故者不來性分所有亦反觀諸森然其象巨細精  
粗如天流形萬品不惑如聖立極萬性各得知之  
既明察之益精允蹈實踐明無不誠稽古格言學  
聖有要動靜則明無欲之效巍巍斯樓雅雅君子  
持揭靜觀良亦有已譬諸水火陰陽至妙水流莫  
鑑燎揚莫照人心不靜誠何以觀如火回飈如水  
驚湍理入秋毫于何能析物散萬殊于何能格矧







嶽之時氣騰而駛其象又雉五城之陽九曲之淚  
仲氏經始嶽之中氣如流虹自西徂東時而鴻濛  
時而鬱葱方嶽于嵩仲氏攸宮日之方暎狀如卿  
雲胡然輪菌胡然氤氲之子于是乎房皇于是乎  
嘗丞誰其主之赫赫玄君

大雨集

十

卷之四 天 一 目 二 二

清書

中書

卦

